

BERITA SISFEC

I S U I / 2 0 1 8

FAKULTI PERHUTANAN

BERITA DI SINI:

KUKPA 2

Eksplorasi Perkasa Putra 2

Kelestarian Hijaau 2

Pemantapan Insaniah GPS 3

Kem Fun Survival 3

CELIK 3

Tanaman & Rahsia Herba 4

TUDM 4

Intro to Bird Watching 4

Bird Race 5

Kasersart University 5

IRDA 5

Pengenalan..SISFEC

Pusat Pendidikan Perhutanan Sultan Idris Shah (SISFEC) yang terletak di Hutan Simpan Ayer Hitam (HSAH),

Puchong merupakan kelas dan makmal terbuka Fakulti Perhutanan, Universiti Putra Malaysia (UPM) bagi pelajar yang mengikuti program Bacelor Sains Perhutanan, Bacelor Sains dan Teknologi Kayu dan Bacelor Sains Taman dan Rekreasi.

ia juga digunakan untuk penyelidikan staf akademik di UPM serta aktiviti pengembangan terutamanya tentang alam sekitar untuk pelajar-pelajar sekolah dan komuniti di Lembah Klang khasnya dan Negeri Selangor amnya.

Kedudukannya yang strategik

antara Kuala Lumpur dan pentadbiran kerajaan di Putrajaya dikelilingi oleh pembangunan



Perasmian oleh DYMM Sultan Selangor Sultan Sharafuddin Idris Shah yang juga Canselor UPM pada 21 Mac 2012.

dan bandar utama seperti Cyberjaya, Putrajaya, Petaling Jaya dan Shah Alam, ia merupakan jenis hutan tanah pamah yang bertindak sebagai pepatu hijau terbesar di Lembah Klang.

Secara tidak langsung kawasan ini memberikan perkhidmatan

kepada penduduk sekitar dengan membekalkan udara yang bersih, menyerap karbon dioksida, sebagai mitigasi banjir setempat, kawasan rekreasi yang terawal serta memiliki sumber air semula jadi yang masih bersih di Negeri Selangor.

SISFEC merupakan satu model hutan pendidikan yang diuruskan secara sistematis dan profesional oleh pakar dalam pelbagai bidang perhutanan untuk tujuan pengajaran, penyelidikan dan pengembangan bersama dengan Jabatan Perhutanan Negeri Selangor (JPNS).



Penyelidikan Semasa....



Puchong, Mac 2018 -Dua kajian penyelidikan pelajar tahun akhir

Fakulti Sains, UPM yang telah dijalankan di Hutan Simpan Ayer Hitam bermula November 2017 telah berjaya dijalankan.

Kajian persampelan fauna bertajuk *Species Diversity and Distributions of Non-Volant Small Mammals in Compartment 14 Ayer Hitam Forest Reserve* dan *Anuran*

Species Diversity and Distributions at Compartment 14 Ayer Hitam Forest Reserve.



Program Kepimpinan Asasi (KUKPA)



Penerangan berkenaan tumbuhan dan herba hutan oleh staf SISFEC

Puchong, 14 Jan- Kolej Mohamad Rashid (KMR) UPM telah berjaya melaksanakan Program Kepimpinan Asasi (KUKPA) pada 12 hingga 14 Januari 2018 di SISFEC.

aktiviti rekreasi dan memberi pengetahuan berkenaan ilmu berkaitan alam liar kepada pelajar ASPER di samping memperoleh kecergasan daripada aktiviti rekreasi.



Seramai 83 orang peserta dan 15 fasilitator yang semuanya merupakan pelajar Asasi Pertanian yang menetap di KMR telah menyertai program ini.

Pelbagai aktiviti telah dijalankan antaranya jelajah alam liar, pengenalan pokok hutan dan herba, dan modul-modul yang mengeratkan silaturahim.



Program ini bertujuan untuk memberi pendedahan kepada



Puchong, 16 Jan – Pada 16 hingga 18 Januari 2018, Majlis Tertinggi Mahasiswa (MTM) Kolej Sepuluh dengan kerjasama Pengurusan Kolej Sepuluh dan Bahagian Hal Ehwal Pelajar, UPM telah menganjurkan Kem Eksplorasi Perkasa Putra di Pusat Pendidikan Perhutanan Sultan Idris Shah (SISFEC).

Kem yang diadakan selama 3 hari 2 malam ini bertujuan

bagi mencari pelapis barisan MTM yang baru disamping memupuk semangat kekitaan di kalangan pelajar.

Hasrat Pengetua supaya dapat membentuk jatidiri pelajar selaras dengan garis panduan yang ditetapkan kemahiran insaniah UPM.

Seramai 70 orang pelajar Kolej Ke-10 bersama-sama dengan 11 orang pegawai pengiring telah menyertai kem

ini. Kem ini diserikan lagi dengan kehadiran YBhg. Timbalan Naib Canselor (Hal Ehwal Pelajar dan Antarabangsa).



Kelestarian Hijau @ SISFEC



Antara aktiviti di SISFEC

Puchong - Pada 30 Januari 2018 yang lalu, pihak Kolej-Kolej Kediaman, Universiti Putra Malaysia (UPM) telah mengadakan lawatan Kelestarian Hijau ke SISFEC.

Objektif lawatan ini adalah bertujuan memberi pendedahan kepada staf kolej kepada kepentingan mengekal-

kan keindahan alam semulajadi dan juga menambah ilmu pengetahuan tentang kepelbagaiannya biologi yang terdapat di hutan tropika.

Pada akhir lawatan ini, para peserta boleh mengaplikasikan pengetahuan mengenai alam sekitar di kolej kediaman masing-masing dalam mempel-

bagaikan tanaman hijau. Para peserta seramai 68 orang yang terdiri daripada kakitangan semua kolej kediaman UPM.



KURSUS PEMANTAPAN INSANIAH GPS SIRI 4.0



Puchong, 25 Feb- Kelab Gerakan Pengguna Siswa (GPS) telah melaksanakan dengan jayanya satu Program Kem Pemantapan Insaniah GPS UPM Siri 4.0 di Hutan Simpan Ayer Hitam. Kem yang bermula pada 22 hingga 25 Febru-

Ahli GPS UPM ber-gambar kenangan di SISFEC

ari 2018 ini disertai oleh 95 orang ahli kelab yang mana merupakan pelajar UPM.

Program ini bertujuan bagi melatih dan membimbing

ahli baru kelab untuk menjadi pemimpin pelajar pada masa akan datang di samping membentuk seorang mahasiswa yang mempunyai etika dan moral yang tinggi dalam kalangan masyarakat.

Selain itu, kem ini juga mendedahkan peserta tentang pengetahuan dan isu-isu kepenggunaan dalam pasaran global dan seterusnya menjadi agen perubahan kepada masyarakat dalam menyebarkan maklumat kepenggunaan.



“membentuk mahasiswa yang menguasai kemahiran teknikal dan kemahiran insaniah melalui medium rekreasi”

Kem Fun Survival 2-Kelab Outward Bounders UPM

Puchong, 11 Mac- Pada 9 hingga 11 Mac 2018, Kelab Outward Bounders UPM telah mengadakan Kem Fun Survival 2 di Pusat Pendidikan Perhutanan Sultan Idris Shah (SISFEC). Seramai 40 orang peserta yang merupakan ahli kelab terlibat dengan kem ini.

Kem ini bertujuan mengaplikasikan kemahiran yang telah dipelajari semasa Kem Fun Survival 1 yang telah dijalankan sebelum ini. Selain itu, program ini juga bertujuan

membentuk mahasiswa yang men- guasai kemahiran teknikal dan kemahiran insaniah melalui medi- um rekreasi seterusnya me- manfaatkan kemahiran tersebut di dalam kehidupan sehari-hari mereka.



Program Cultural Engagement language Interaction & Knowledge (CELIK)

Puchong - Pada 12-13 Mac 2018 yang lepas, Pusat Pemajuan Kompetensi Bahasa, UPM (CALC) dengan kerjasama Fakulti Perhutanan telah menjalankan Program Cultural Engagement, Language Interaction and Knowledge (CELIK) untuk Chiba Prefectural Kisarazu High School, Japan.

Seramai 20 pelajar dan 3 guru

pengiring daripada Kisarazu High School telah terlibat dalam pro- gram ini dan dibantu oleh 14 orang pelajar UPM sepanjang program ini.

Antara aktiviti yang dijalankan termasuk pengenalan kepada ke- pelbagai spesies burung, in- terpretasi alam hutan dan aktiviti penanaman pokok.



Modul aktiviti bersama pensyarah Fakulti Perhutanan di dalam hu- tan.

KURSUS TANAMAN DAN RAHSIA HERBA -BERSAMA TENAGA NASIONAL BERHAD (TNB)



Penerangan di lapangan oleh tenaga pengajar

Puchong, 25 Jan – SISFEC Fakulti Perhutanan dengan kerjasama Tenaga Nasional Berhad (TNB) dan Tuan Hj.

Tajuddin Abd Manap (mantan staf UPM) telah menganjurkan Kursus Tanaman dan Rahsia Herba untuk Siri I kepada bakal pesara kakitangan Tenaga Nasional Berhad (TNB).

Kursus ini telah disertai seramai 20 orang kakitangan

TNB yang bakal bersara.

Tujuan kursus ini adalah untuk memberi pendedahan kepada peserta berkenaan ilmu pengacaman pokok herba, pengurusan dan penanaman herba secara komersial, pengurusan tapak semaiherba dan mengenalpasti peluang-peluang berkaitan industri herba.

Penceramah dan pengajar untuk kursus ini adalah Tuan Hj Tajuddin Abd Manap dan kakitangan SISFEC.

Lawatan di lapangan juga di-

adakan di mana para peserta diajar cara mengenalpasti dan membuat pengacaman pokok herba di persekitaran yang boleh didapati.



“Kepentingan memeliha alam sekitar dengan mengekalkan fauna dan tumbuhan di samping sebagai aktiviti riadah”



Peserta dan tenaga pengajar dari NEST dan WBCM



Program Latihan Kecergasan TUDM @ SISFEC

Puchong, 9 Feb- Markas Wilayah Udara 1, Pangkalan Udara Kuala Lumpur, Tentera Udara di-Raja Malaysia (TUDM) dengan kerjasama Fakulti Perhutanan UPM telah menganjurkan latihan kecergasan ketenteraan di Hutan Simpan Ayer Hitam, Puchong pada 9 Februari 2018.

Penglibatan seramai 60 anggota dari markas ini telah turut serta latihan ini.

Latihan ini bertujuan untuk memberi pendedahan kepada staf markas kepentingan memeliha alam sekitar dengan mengekalkan fauna dan tumbuhan di samping sebagai aktiviti riadah untuk mengekalkan tahap kecergasan tentera markas.

Antaran aktiviti yang dijalankan adalah penerangan tentang kepentingan alam semula-jadi, senaman, larian

berhalangan di dalam hutan dan pendedahan kepada pengenalan tumbuhan



‘Introduction to Birdwatching Program’

Puchong, 3 Feb– Berobjektifkan untuk berkongsi ilmu dan menanam minat kepada para pelajar Fakulti Perhutanan berkenaan aktiviti bird watching, Wild Bird Club Malaysia (WBCM), dengan kerjasama NEST,

telah mengadakan Pengenalan kepada aktiviti *bird watching* untuk pelajar tahun 2 Bacelor Taman dan Rekreasi Fakulti Perhutana UPM di SISFEC pada 2 dan 3 Februari 2018.

Bagi pelajar ini adalah peluang bagi mereka untuk mengenali bentuk aktiviti, pengurusan dan faedah aktiviti ini di

samping menimba ilmu dari pengajar berpengalaman.



'Bird Race' Anjuran NEST



Puchong, 4 Mac- Pada 3-4 Mac 2018, Persatuan Kelestarian Ekosistem Alam (NEST) dengan kerjasama Fakulti Perhutanan UPM telah berjaya menganjurkan Program Bird Race di Pusat Pendidikan Perhutanan Sultan Idris Shah

Aktiviti bird watching yang semakin popular.

Tujuan utama program diadakan ini adalah untuk mengenalpasti dan merakam gambar dan momen kepelbagaian sepsis burung yang menghuni dan berhabitat di dalam Hutan Simpan Ayer Hitam (HSAH).

Peserta juga telah diperkenalkan

(SISFEC). Seramai 35 orang yang terdiri daripada ahli persatuan dan 2 orang pensyarah dari Fakulti Perhutanan terlibat dalam program ini.

dengan kepelbagaian flora dan fauna melalui penerangan oleh staf SISFEC serta impak dari program ini diharap peserta dapat mempertingkatkan lagi rasa cinta kepada alam.

Program ini juga menjadi titik penghubung kerjasama antara NEST dan SISFEC bagi menjayakan program-program berkaitan pendidikan alam semula jadi di masa akan datang.

"Menjalinkan hubungan antara universiti terutamanya yang terlibat dengan bidang perhutanan."

Lawatan Kasetsart University, Thailand

Puchong, 9 Mac- Pusat Pendidikan Perhutanan Sultan Idris Shah (SISFEC) telah menerima lawatan daripada Faculty of Forestry, Kasetsart University, Thailand. Lawatan tersebut diketuai oleh Pengurus bagi Program Master Sains (Forest Forest Resource and Environmental Administration), Prof. Madya Dr. Wanchai Arun-praparat yang mengiringi 45 Orang pelajar dan staf universiti tersebut. Tujuan utama lawatan adalah untuk membawa pelajar daripada KU

untuk mempelajari sistem pendidikan universiti yang diamalkan di Malaysia. Selain itu, lawatan diadakan bertujuan untuk menjalinkan hubungan antara universiti terutamanya yang terlibat dengan bidang perhutanan.

Antara aktiviti adalah para pelawat dibawa merasai sendiri suasana hutan hujan Malaysia dengan menjelajah denai di SISFEC dan perkongsian ilmu berkenaan flora dan fauna yang terdapat di hutan Malaysia.



Lawatan Iskandar Regional Development Authority (IRDA)

Puchong, 8 Mac- Pihak Berkuasa Wilayah Pembangunan Iskandar (IRDA) telah mengadakan satu lawatan kerja ke SISFEC bertujuan untuk bertukar pandangan dan berkongsi pengetahuan berkenaan dengan satu kajian yang sedang dijalankan iaitu 'Urban Forest Park in Iskandar Malaysia'.

Sesi lawatan ini turut dihadiri seramai 20 peserta dari IRDA,

PBT, Agensi Teknikal. Lawatan ini telah diadakan pada 8 Mac 2018 dan turut disertai oleh pegawai

dari Jabatan Perhutanan Negeri Selangor (JPNS).



Sesi perbincangan di antara IRDA, UPM dan JPNS



Hubungi

Pusat Pendidikan Perhutanan Sultan Idris Shah
Fakulti Perhutanan
Universiti Putra Malaysia

TALIAN:
(03) 8946 7171 /
(03) 8947 1381

Info lanjut sila Layari:
<http://www.forr.upm.edu.my/>

Penasihat/Pengerusi:

Prof. Dr. Mohamed Zakaria Hussin

Sidang Redaksi:

Ketua Editor:

Mohd Farhan Shahrin

Penolong Editor:

Kamarulizwan Kamaruddin

Mohd Naeem Abd. Hafiz

Anggota Redaksi:

Noor Hafiz Osman

Fazli Shariff

Mohd Fakhrullah Mohd Noh

Nor Azlina Azizdim

Siti Zurina Zakaria

Mengenai Fakulti Perhutanan.....

Fakulti Perhutanan merupakan salah satu daripada Fakulti asas semasa penubuhan Universiti Putra Malaysia (duku dikenali sebagai Universiti Pertanian Malaysia) dalam tahun 1971.

Misi Fakulti adalah menjadi Pusat Pembelajaran dan Pendidikan yang unggul dalam bidang perhutanan tropika, yang menyumbangkan bukan sahaja kepada kemajuan manusia dan penerokaan ilmu tetapi juga kepada pembentukan kekayaan dan pembangunan negara.